

CANTIK

AR PAP HAG ANN ILIZ

Ton : *Chelaouet gant spont hag eston* ; pe : *Dom Henry II, pe : Deut, me ho ped, Spered Santel*

DISKAN :

« Ar Pap e Breiz a zo karet,
« Breiz gant ar Pap so bennighet ;
« A greiz kalon gant hor peden
« Ni roi d'ar Pap hon aluzen. »

Jesus, abarz kuitât ar bed
Euz bet he Iliz savet,
Robl ha famill ann dud fidel,
A gherz d'ar vuez eternel.

Eur bar greffet enn eur wezen
Frouez blazel-mad a hell doughen;
Buez ar c'hristen so greffet
War Jesus-Christ, Salver ar bed.

D'ar c'horv eunn ene so krouet
Da rei d'e-omp buez ha ghened;
Ann Iliz e deuz 'vid ene
Ar Spered-Santel, gwir Doue.

D'ann oll e ro nerz, sclerijen,
Evit beva gwir ghristenien :
D'ar Veleien, d'ar Bastored
Pebez galloud all so roet ?

Penn a an Iliz, er baradoz,
Eo Jesus-Christ, ouz hon gortoz,
Da benn ann Iliz er bed-mân
Simon a oa laket gant-han.

Per eo bet evit-se hanvet,
Ha war Ber ann Iliz savet :
Ar roc'h so trec'h d'ar gwaghennou
Per a vo trec'h d'ann iferniou.

Ar Pap a zo e-lec'h San-Per,
Evel-t-han vikel hor Salver;
Per a oa penn ann Ebrestel,
Ar Pap penn ann Eskeb fidel.

Enor braz d'ar Pap a zougher,
D'he dreid e stouer, e poker;
Gant ar Pap ann oll so reizet,
Pastored kerkouls ha denved.

Ar Pap a ro-da bep Iliz
Eur gwir Escop hervez ar reiz,
Ar re n'en defe ket kasset
Na vent nemet falz Pastored.

Ar Pab hepken a dle disk
Petra da ober, da gredi;
Hen eo ar barner war ar Feiz,
Ha kemrent a varn a zo reiz.

Pa gomz ar Pab ouz ann Iliz,
Plegomp hor pennou, ma Broïz,
Ar pez en deuz bet diskleriet
So comz Doue, ne fazi ket.

Ouz-penn ar Pap a zo roue,
N'en deuz ken mestr német Doue;
N'hell boza dindan lezen den
Ann neb a ra d'ann oll lezen.

D'ar Person ciunn ti er barrez,
D'ar Pap er bed eur rouantelez;
Bro-Rom a zo douar San-Pèr,
Eno pep christen so er gher.

Tud, ann ifern enn ho ene,
A glask na ve ar Pap roue;
Mès roe'h ann Iliz so kalet
Nep stok out-hi so bruzunet.

Evit hor prena Map Doue
En deuz roet goad ha bue;
Evit he Iliz, he difenn,
E kaver ivez goad ekristen.

Eur self hepken, na welit ket
Ann dud-ze da Rom diredet,
Prest da rei ho goad, ho bue,
Evid ar Pap, evit Doue!

Enor éta d'ar *Zouaved*
Tud a galon, mar so er bed;
Ar maro a hell ho diskar,
Douce ho sâv da vont d'ar gloar.

Mil bennoz d'ar famillou-ze
A ro d'ar Pap ho bugale!
Bennoz d'ann nep ro he *ziner*
Da Jesus, d'ar Pap, da San-Per!

Imprimatur et cantetur.

Corisopiti, die 19 Febr. 1868.

E. EVRARD,

Vic. Gén.

Hon bennoz d'ann hini an eus great ar c'hantik
kaér-man, ha da gement hini hen kanô.

† AOGUSTIN.

Eskop Sant-Brieg ha Landreger.